



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

CLXII. Franz von Bartensleben, Hauptmann zu Salzwedel, verkauft der hiesigen St. Jakobs-Gilde eine Rente aus seinen Gütern, am 22. Mai 1537.

---

---

**Nutzungsbedingungen**

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

CXLI. Die von Bartensleben zu Wolfsburg bewilligen den Gebrüdern Hardekopp, zur Ausstattung ihrer Schwester eine Rente aus Grebenitz wiederkäuflich zu verkaufen, am 11. Juli 1535.

Wy Gunter vnd Busse, zeliger Jacobs sone, Busse vnd Hans de older, zeliger Hanfes sone, Frantz, bobtman tho Soltwedell, Busse vnd Jochim, zeliger Josthes szone, alle gefetter vnd gebroder von Barthenfleue, bekennen vor vns, vnse Eruen vnd Idermennighen. Nach deme de vorsichtige vnse leuen getruwen Jochim, kersthen vnd Hans hardekoppe, gebroder, orbe Schwester Annen tho vortruuende vnd ehelich bytholiggende gelinnet, Idoch de suluige erlich vnd nach vormoge tho begiftigende tho duffer tith kleines vormogendes vns derhaluen angelanget, onen tho vorgunnende tho behoff sodaner begiftungen souen vnd twintich schepel hards kornes vth dem dorpe Greuenitze, vth deme houe vnd houes thobehoringe, wo nu tor tith Lentze Moldenbauer besit vnd bewonet, tho vorfettende vnd vp eine lose tho vordende, dar vp se den weddervmb vns Ein Reuerfall, solche souen vnd twintich schepel kornes vpt aller furderligste vnd schirftfolgendt wedder tho frigende vnd entholofende gegeben. Diwile nu sodans Eine temeliche bede, hebbe von wegen orer Schwester solches nicht wust tho weigernde, bewilligen derhaluen, in craft dusses breues, vor vns, vnse eruen gemelte brodern den hardekoppen Souenvndtwintich schepel hardskornes, de se von vns tho lene dragen vth dem dorpe, wie vorn berüret, tho vorfettende, damit gedachte ore Schwester moge thon eren beraden werden, vnd hebbe dusses to orkunde vnd merer gewissenheit Ick Gunter von Berthenfleue, alse de eldeste, min Ingefegele wittlichen an dussen bref gehenget, des wy andern hir samptlich thogebrende sint. Datum wulfsburgk, Sondages nach kiliani, Im vffteinhundersten, dar nach Im viff vnd druttigsten jare.

Nach dem Original im Pfarrarchiv der St. Peterskirche zu Stendal.

CLXII. Franz von Bartensleben, Hauptmann zu Salzwedel, verkauft der hiesigen St. Jacobs-Gilde eine Rente aus seinen Gütern, am 22. Mai 1537.

Ick Franciscus van Bertensfleue, bouetman tho Soltwedel, erffgheleten thor wulffesborgh, bekenne vor my, myne Eruen vnde sust Idermennighem apenbar bethugende, dath ich vth wolbedachtem beradem mode vorkofft hebbe vnde vorkope jegenwardich tho eynem rechten erffkope, In vnde mith kraft dusses breues, den varfichtighen hans heninghes, hans trippelfoeth vnde pasche rekellinge, varwefere Sunte Jacobsgilde in der olden Stadt Soltwedell, tho behueff des commendisten petri stureken vnd oheren nakameren dre gulde munthe iarliger renthe, Nemlich in dem dorpe tho Rareberghe in, vp vnd an Kersten rolappen haue twe marck soltwedelsch dienstgelt vnde in dem dorpe tho heninghe in, vp vnd an Mauritz Sentzen haue twe marck soltwedelsch dienstgelt vnd vier vnde twintich schilling soltwedelsche pach



vnde an ackern, wifchen, weyden, holten, watheren vnde an allen anderen derfuluigen beiden haeue thobehoringhen, alzfo vnde der gheftalt, dat de genomede myne beyde mhenne tho Rareberghe vnde hennighe vnde orer haeue fampt anderer der thobehoringhe Innehebber vnde befitter schollen vnde willen alle Jhar vp den dach Martini episcopi den obghemelthen varweferen Sante Jacobs ghilde vnd ohren nhakamen in nuth vnde behueff ores Comendisten fodane dre gulden eyn Ider lynen andell bynnen Soltwedell vnuortogert bringen, vornugen vnde bethalen. Vorbleue auer fodane bethalinghe vnde tho rechter tidt nicht vthqueme, denne schollen vnde mogen Szie darumme panden edder panden laten, funder rechtsforderinge edder fodanen pacht mith geiftlichem edder wertlichem rechte fordern vnde inmanen, wo ohen dat allenthaluen thom bequemen is. Worden ock folliche haeue verwüften, brandes effte vnghefeers haluen tho nichte kamen, dahr godt var fy, fo dat men daruan neynen pacht bekamen kunde, denne schollen vnd mogen oftghenompte varwefere Sante Jacobs ghilde in nudt vnd van wegen des comendisten acker, wifche, weyde, holte, wathere vnd alle andere tobehoringhe der haeue edder des haues, fo vorkamen wurde, felueft ghebruken edder ander luden tho gebukende vthdoen etc. — vor my vnd myne Eruen vnghehindert vnd Sette szie hir mith In de hebbende, brukende vnde rowfame wehre duffes iarlighen paches denfuluighen alle iarlighes, wile duffe neddengheschreuen houetfumme vnaffghelofet, rowfamlich tho forderen, inthonemen, tho gheniten vnde tho ghebruken. Ick vnde myne Eruen willen ock denfuluigen pacht vorrofdinsten, vordeghedingen, beschutten vnde ghelyck andern vnfen guderen vorpflichtighen. fzo vocken des noeth vnde behueff by vnfer eyghen kost, theringhe vnde euenture. Dar vor my de obghemelthe vabrweferere Sante Jacobs ghilde van weggen ohres Commendisten vefflich gulden an guder gangbarer vier stede munthe houetfummen in eyner Summen bar auer thogetalt, vornuget vnde tho dancke bethaleth, de ich ock alzfo van szie entfanghen in myn vnde myner Eruen nuth vnde framen ghekeret vnde gewendet hebbe. Szo hebbe Ick dennoch vor my vnd myne Eruen den wedderkoop hyr ane beholden, alfe wannehr wy fodanen houetfummen nicht lengher beholden wolden, fzo schollen vnde willen wy ohen des de losze in den vier hillighen daghen tho pafchen Inkündighen vnde denne forth dar nha in den vier hillighen daghen tho pynghesten neghestfolghende ghenanthen vabrwefern in nudt ohres comendisten vnd ohren nakomen Sodane vefflich gulden houetfummen guder gangbarer vier stede munthe, fampt allen hinderstelligen bedagheden vnd naghebleuen pechten in eynem Summen vnuorthogert bynnen Soltwedell weddergheuen, vornugen vnd bethalen. Nha follicher genuchfamer bethalinghe vnd nicht ehr schollen my vnd mynen Eruen folliche dre gulden jarliches dienstgeldes vnde paches wedder qwidt, fryg vnde duffe brief machtlos fyn: vnd dath aldie bauengheschreuen artickel, punct vnd claufule wol vnd vnuorbrocken stedes vaste schollen gheholden werden, hebbe Ick franciscus van Bertenfleue, obgenompt, Des in vrkunde steder vnd vaster holdinghe vor my vnde myne Eruen myn anghebarne adeliche potzibr beneden an duffzen breeff wiffentlichen lathen hanghen, Nha christi vnfer hern gheburth im vffteinhundersten vnd Soeuen vnd druttigften Jhare, dinghesdaghes in den hillighen pynghesten.

Nach dem Originale des Salzweßelschen Archives XIII, 50.